

四庫全書

子部

欽定四庫全書

欽定授時通考卷十九

穀種

彙考

詩豳風黍稷重穋禾麻苽麥

正義曰苗生既秀謂之禾種植諸穀名為稼禾稼者  
苗幹之名又曰鄭司農云先種後熟謂之重後種先  
熟謂之穋又曰禾稼禾麻再言禾者以禾是大名也

非徒黍稷重糝四種而已其餘稻秫菰粱之輩皆名  
為禾麻與菽麥則無禾稱故於麻麥之上更言禾字  
以總諸禾也朱子集傳禾者穀連葉結之總名禾之  
秀實而在野曰稼

大雅誕降嘉種

傳天降嘉種箋云天應堯之顯后稷故為之下嘉種  
疏曰后稷善能於稼穡上天乃下善穀之種與之正  
義曰降者從上之辭故知降嘉種者是天降嘉種也

朱子集傳降降是種於民也書曰稷降播種是也

魯頌黍稷重穋殖穡菽麥奄有下國俾民稼穡有稷有黍有稻有秬

注先種曰植後種曰穡大全孔氏曰重穋殖穡生熟早晚之異稱非穀名

周禮天官太宰以九職任萬民一曰三農生九穀

注鄭司農云九穀黍稷秫稻麻大小豆大小麥玄謂九穀無秫大麥而有粱苽疏玄謂九穀無秫大麥而

有粱苽者以秫亦異與稷黏疎為異故去之大麥所用處少故亦去之必知有粟苽者下食醫云凡膳食之宜有犬宜粱魚宜苽故知有粱苽也且前七穀之中依月令麥屬東方黍屬南方麻屬西方豆屬北方稷屬中央故知有黍稷麻豆麥稻與小豆所用處多故知有稻有小豆也必知有大豆者生民詩云藝之荏菽荏菽大豆后稷之所植故知有大豆也

又疾醫以五穀五藥養其病

注五穀麻黍稷麥豆也疏此依月令五方之數

又膳夫凡王之饋食用六穀

注六穀稌黍稷粱麥苽苽雕胡也

孟子五穀者種之美者也

管子凡五穀者萬物之主也穀貴則萬物必賤穀賤則萬物必貴兩者為敵則不俱平故人君御穀物之秩相勝而操事於其不平之間

又五穀者民之司命也

范子計然曰五穀者萬民之命國之重寶也

漢書食貨志種穀必雜五穀以備災害田中不得有木  
又董仲舒說上曰春秋他穀不書至於麥禾不成則書  
之以此見聖人於五穀最重麥與禾也

說文穀續也百穀之總名禾嘉穀也以二月而種八月  
始熟得時之中故謂之禾禾木也木王而生從木從叢  
省叢象其穗

又禾之秀實為稼根節為禾

廣雅釋草稌稻其穗謂之禾

小爾雅廣物藁謂之稭稭謂之芻生曰穀謂之粒萊謂之蔬禾穗謂之穎

格物總論穀種之美者也其為種也不一考之前載有言三穀者粱稻菽是也有言五穀者麻黍稷麥菽是也有言六穀者稻黍稷粱麥苽是也有言九穀者稷秫黍稻麻大小豆大小麥是也有言百穀者又包舉三穀各二十種者為六十蔬果之實助穀各有二十是也蓋人



食之則飽不再食則飢未有不資以為生也然不種則不生不時則不獲故古者重穀而務農焉種以時而生以時耕以時而獲以時苗而秀秀而實昔春而種者子粒耳秋而收者萬顆也昔春而入土者升斗耳秋而登場者倉箱也國與民俱足獨不在此乎故聖王必貴五穀而賤金玉

楊泉物理論梁者黍稷之總名稻者漑種之總名菽者衆豆之總名三穀各二十種為六十蔬果之實助穀各

二十凡為百穀故詩曰播厥百穀穀者衆種之大名也  
農桑輯要穀名考五穀禾麻菽麥豆也周禮註又以麻  
黍稷麥豆為五穀

嘉禾瑞穀瑞麥

禮含文嘉神農就田作耨天應以嘉穀

山海經帝之下都崑崙之墟有木禾郭璞曰穀類也

後魏地形志羊頭山下神農泉北有穀關即神農得嘉

穀處

尚書序唐叔得禾異畝同穎獻諸天子王命唐叔歸周公於東作歸禾

傳畝壅穎穗也禾各生一壅而合為一穗異畝同穎天下和同之象

又周公既得命禾旅天子之命作嘉禾

傳天下和同政之善者故周公作書以善禾名篇告天下正義曰嘉訓善也言此禾之善故以善禾名篇後世同穎之禾遂名為嘉禾由此也

白虎通成王時有三苗異畝而生同為一穗大幾盈車  
長幾充箱民有得而上之者成王訪周公而問之公曰  
三苗為一穗天下當和為一乎果有越裳氏重譯而來  
獻白雉

古今注漢和帝元年嘉禾生濟陰城陽一莖九穗安帝  
延光二年六月九真言嘉禾生百十六本七百六十八  
穗

爾雅注漢和帝時任城生黑黍或三四實實二米得黍

三斛八斗

吳志黃龍三年夏由拳野稻自生改禾興縣冬十月會稽南始平言嘉禾生十二月改元嘉禾

晉起居注武帝元帝世嘉禾三生其莖七穗

魏書靈徵志太祖天興二年七月獲嘉禾於平城縣異莖同穎八月廣甯送嘉禾一莖十一穗平城南十里郊嘉禾一莖九穗告於宗廟

又世祖神䴥二年七月嘉禾生於魏郡安陽縣三本同

穎

又肅宗熙平二年八月幽州獻嘉禾三本同穎正光三年肆州獻嘉禾一根生六穗

又孝靜帝天平四年八月虞曹郎中司馬仲瑋獻嘉禾一莖五穗

宋書符瑞志文帝元嘉二十二年六月嘉禾生藉田一莖九穗生華林園百六十穗二十四年七月乙卯嘉禾旅生華林園及景陽山二十五年六月壬寅嘉禾旅生

華林園十株七百穗壬子嘉泰生藉田孝武帝大明元年嘉禾生清暑殿鵷尾中一株六莖

南齊書符瑞志武帝永明元年正月新蔡郡固始縣獲嘉禾一莖五穗八月新蔡縣獲嘉禾二莖九穗一莖七穗十一月固始縣獲嘉禾一莖九穗二年梁郡睢陽縣界野田中獲嘉禾一莖二十三穗

梁書武帝本紀天監四年五月辛卯建康縣朔陰里生嘉禾一莖十二穗大同六年九月始平太守崔碩表獻





言兩岐麥明皇先天二年八月懷州言嘉禾四穗開元  
八年五月平原麥一莖兩岐分秀九年五月絳州奏瑞  
麥七莖兩穗一莖四穗十二年六月乙巳河南瑞麥生  
穗分岐一莖三秀十三年五月甲申瑞麥生河南之壽  
安

唐會要開元十九年四月一日揚州奏魯生稻二百一  
十五頃再熟稻一千八百頃其粒並與常稻無異

舊唐書代宗紀朔方節度郭子儀言寧朔縣界荒地廣

十五里有黑禾穀出遍地每日附近百姓掃盡經宿還生前後可得五六千石其禾圓實味甘美

又永泰元年秋京兆府上言鄠縣嘉禾生穗長一尺餘穗上粒重累如連珠

唐會要文宗太和二年福建進瑞粟一十莖

又宣宗大中二年七月十六日福建觀察使殷儼進瑞粟十一莖莖有五六穗

宋史五行志太祖乾德二年十月眉州獻禾生九穗圖

四年四月府州尉氏縣雲陽縣並有麥兩歧五月魚臺縣麥秀三歧六月南充縣禾二莖十三穗一莖十一穗七月又生一莖九穗

又太宗太平興國元年九月隰州獻合穗禾長尺餘三年四月夏縣五月舒州六月閬州麥並秀兩歧四年七月卽資二州禾並九穗九月溫州獻嘉禾九穗圖五年七月蓬萊縣田穀隔隴合穗相去一尺許九月流溪縣六年五月汝陰縣九年五月施州麥並秀兩歧至道元

年六月嘉禾生眉山縣一本二十四穗七月金水縣禾  
生九穗舒州監軍廨粟畦兩本岐分十穗臨渙縣二禾  
合成一穗八月綿竹縣禾生九穗三年三月洋州嘉禾  
合穗五月黃州建昌軍麥秀二三穗八月雅州禾一莖  
十四穗

又真宗咸平元年五月曲水縣麥秀二三穗七月嘉禾  
生後苑一莖二十四穗百丈縣禾生一莖二十七穗八  
月蘇州廨後園邠州民田並禾上合穗平夷縣田禾兩

穗合為一化城縣禾九穗二年五月華州麥秀二三穗  
七月資官縣禾二莖九穗者各二彭城縣粟一莖分四  
穗八月鄆縣粟一莖九穗元武縣粟一莖上分五苗成  
二十一穗榆次縣禾三莖共穗三年五月鄆縣海陵縣  
並麥秀二三穗七月真定府禾三莖一穗達州禾一苗  
九穗八月辰州公田禾生一莖三穗者四五年八月臨  
汾洪洞縣並禾生隔二隴上合為一六年七月涉縣隔  
四隴同潁銅梁縣禾一莖九穗景德元年正月寧晉縣

禾合穗者三本八月滎陽縣及相州嘉禾異畝同潁三  
年九月滎州禾一莖十八穗四年六月南雄州保昌民  
田禾一本九穗七月神泉縣禾一苗九穗貝兗二州嘉  
禾合穗大中祥符元年曲水縣南鄭縣並麥秀二三穗  
七月乾封縣奉高鄉民田禾異隴同潁八月淳化縣田  
禾隔四隴相去四尺許合為一穗新平縣禾合穗者二  
本真定府粟生二穗九月澧州嘉禾一莖十穗嘉州禾  
二莖各九穗二年六月簡州民禾九穗七月黔州嘉禾

異畝合穗八月嘉州解有一莖十四穗生庭中岐山縣  
禾異畝同穎三年四月同州麥秀二三穗七月冀州昭  
三州嘉禾多穗異畝同穎八月寧化軍嘉禾合穗寶鼎  
縣禾隔四隴相去二尺許合穗樓煩縣禾異本同穎劍  
州嘉禾生一莖九穗四年三月辛巳帝至西京福昌縣  
嘉禾一本七穗昌元縣禾一莖九穗金水縣民田禾一  
莖三十六穗四月六安縣麥秀二三穗五月唐汝廬宿  
泗濠州麥自生八月蜀州禾一莖九穗長壽縣禾合穗

次定可車食馬



禾一本六穗邯鄲縣民田禾隔隴合穗者二本滁州權  
酒署內禾一莖三穗晉原平原二縣民田禾並一本十  
二穗三月郾城縣麥秀兩穗三穗八月亳州禾一莖三  
穗至十穗府谷縣禾隔三隴合成一穗嵐州禾一莖八  
穗一莖五穗遼州平城民田禾隔二隴合穗有十三本  
或二十一本合為一者九月施州禾一莖九穗至十二  
穗真定貝州並嘉禾合穗八月湖陽縣麥秀兩穗三穗  
四月旭川縣禾一莖九穗閏六月眉山邛州禾並一莖

大定四庫全書

禾一莖九穗五年四月河南府嘉禾合穗七月導江青  
城禾並一莖九穗乾興元年五月南劍州麥一本五穗  
縣州麥秀兩歧八月洋州嘉禾合穗十一月高陵縣嘉  
禾合穗

又仁宗天聖二年八月乙酉寧化軍嘉禾異畝同穎四  
年九月榮州禾一本九穗五年資州禾一本九穗六年  
忻州禾異畝同穎五月乙未陳州瑞麥一莖二十穗七  
年七月河南府嘉禾合穗九年膚施縣禾異畝同穎景

祐元年七月磁州嘉禾合穗八月大名府嘉禾合穗九月涇州磁州保德軍並嘉禾合穗十月孝感應城二縣稻再熟成德軍禾一本九穗三年五月滎州禾一莖九穗四年七月己巳臨清縣穀異畝同穎者六十本康定元年六月蜀州懷安軍並禾九穗慶歷二年壽安縣嘉禾合穗六年五月昭化縣禾一莖兩歧八月趙州懷州並嘉禾異畝同穎九月定襄縣嘉禾隔二隴合穗長江縣禾一莖十穗十二月石照諸縣野穀穰生七年九月

汾州榮州德州並嘉禾合穗皇祐元年密州禾合穗者  
五本永康軍禾一莖九穗二年九月延州石州並嘉禾  
異畝合穗永康軍嘉禾一莖九穗十二月密州禾十莖  
合一穗石州四莖合一穗三年五月彭山縣瑞麥一莖  
五穗者數本滁州麥一莖五穗四年八月嘉州蜀州並  
嘉禾一莖九穗九月南劍州有禾一本雙莖二十穗五  
年三月資州嘉禾一莖九穗閏六月資州麥秀兩岐七  
月鄆州祁州禾異畝同穎九月成德軍嘉禾異畝同穎

綿州禾一莖九穗至和元年十二月蜀州嘉禾一莖九穗二年五月亳州麥秀兩歧六月應天府貢大麥一本七十穗小麥一本二百穗八月邛州嘉禾一莖九穗嘉祐三年六月緜州麥一穗兩歧七月泰山上瑞麥圖凡五本五百一穗四年六月彰明縣有麥兩歧百餘本五年三月崇安縣嘉禾一本九十莖七年陵州禾一莖九穗九月平遙縣禾異畝合穗

又神宗熙寧元年水興軍禾一莖四穗眉州禾一莖九

穗四年乾寧軍禾二莖合穗成德軍晉州汾州禾異壟  
同穗六年南溪縣禾一苗九穗八年懷安軍瀘州渠州  
各麥秀兩岐安喜縣禾二本間五隴合穗平山縣禾合  
穗者二保塞縣禾七本間一壟或兩壟合穗潞城縣禾  
合穗者二九年火山軍禾間五壟東鹿秀容二縣間四  
壟渤海縣皆異壟同潁流江縣禾一苗九穗譙縣麥一  
本三穗尉氏縣湖陽縣彭山縣麥一本兩穗渠州大麥  
一穗兩岐或三岐四岐者陽翟縣麥秀兩岐天興寶雞

二縣皆麥秀兩岐仍一本有三四穗或六穗者石州安  
州麥秀兩岐十年磁州禾合穗眉州禾生九穗亳州禾  
生二穗元豐元年武康軍禾一莖十三穗汝州禾合穗  
寧江軍禾一莖十穗邢州麥秀兩岐夔州麥一本三穗  
二年簡州安德軍麥秀兩岐曹州生瑞禾北京安武軍  
懷州鎮戎軍禾合穗鎮戎軍懷州禾皆異畝同穎袁州  
禾一莖八穗至十一穗皆層出長者尺餘安州禾異畝  
同穗三年眉州禾一本九穗齊州禾一莖五穗趙州禾



二本合穗安州麥一本三穗至五穗凡十四莖深州麥  
秀兩歧或三四穗凡四十畝眉州麥秀兩歧四年徐州  
麥一本百七十二穗代州禾合穗襄邑縣禾一本九穗  
五年高邑縣禾一莖五穗青州安肅軍憲州禾皆異畝  
同穎六年洪州七縣稻已獲再生皆實威勝軍武鄉縣  
禾二本間五壟合穗歷城縣禾二本合穗趙州禾間三  
隴合穗唐州禾二穗者四瀘州禾九穗懷青濰三州禾  
皆異隴同穗府州陝州保平軍禾皆合穗七年蜀州禾

生九穗青州禾異畝同穎者十一同州禾異畝同穎合  
州麥秀兩岐八年亳州麥一莖二穗一莖三穗一莖四  
穗鎮潼軍秫禾苗異隴同穗岷州禾皆四穗秦寧軍禾  
異本同穎者三是歲秋冬保澤趙鄂隰滄維密簡饒諸  
州威勝軍禾合穗或異畝同穎

又哲宗元祐元年簡州禾合穗石州禾異畝同穎二年  
忻隰磁維懷州禾異畝同穎趙忻州禾合穗三年祁保  
彭州禾異畝同穎瀛磁代豐州安國軍禾合穗劍州安

國軍麥秀兩岐夔州麥一本十二穗四年泰寧軍麥異  
畝同穎流江縣禾一本二穗榮德縣禾一本九穗青鄭  
齊趙州禾合穗及有一本三穗戎眉縣禾異畝同穎又  
禾登一百五十二穗五年冀州安武軍大名府威德軍  
禾合穗永寧軍禾二本隔五隴合穗平定軍禾異畝同  
穗汀州禾生三十六穗劍州禾一本八穗普州麥一莖  
雙穗夔州麥秀五岐六年汝陽縣美原縣兗州鄒縣麥  
一莖數穗南劍州粟一本三十九穗瀛定懷汝晉昌州

ԼԵՐԱՆԵՐՈՒՄ

九穗泉州粟二本五穗八穗瑕邱縣武陟縣陝城小溪  
四縣麥合穗良原縣沈丘縣長子縣麥秀兩歧四年河  
中府麥秀三穗虹縣雲安縣麥秀兩歧茂州一枝兩穗  
汶山縣一枝三穗至六穗西京鄆齊隰州禾合穗潁昌  
府禾一莖四穗至五穗元符元年慶州禾異本同潁青  
晉潞州荆南府永寧鎮戎軍等一十一處禾合穗邢州  
禾異隴合穗南劍州嘉州禾一莖九穗內鄉縣麥一莖  
兩穗符離靈璧臨渙蘄虹五縣麥秀兩穗兩當縣麥秀

三穗二年連水軍麥合穗鄧岷州鎮戎軍木合穗

金史熙宗本紀皇統四年正月乙丑陝西進嘉禾十有二莖莖皆七穗

又宣宗本紀興定元年四月陳州商水縣進瑞麥一莖四穗開封府進瑞麥一莖三穗二莖四穗七月癸卯大社壇產嘉禾一莖十五穗

元史本紀世祖至元六年九月癸丑思州進嘉禾一莖三穗七年五月壬戌東平府進瑞麥一莖二穗三穗五

穗者各一本十一年七月乙未興元鳳州民獻麥一莖  
四穗至七穗穀一莖三穗十八年八月壬辰瓜州屯田  
進瑞麥一莖五穗二十三年九月南部縣生嘉禾一莖  
九穗二十四年八月濟州進瑞麥一莖九穗

又成宗大德元年十二月辛未曹州禹城進嘉禾一莖  
九穗

又五行志順帝至元元年十月壬子恩州歷亭縣進嘉  
禾一莖九穗十一月丁酉太原臨州進嘉禾二莖二年

曹州生瑞禾北京安武軍懷州鎮戎軍禾合穗鎮戎軍  
懷州禾皆異畝同穎袁州禾一莖八穗至十一穗皆屬  
出長者尺餘安州禾異畝同穗四年流江縣禾一本二  
穗榮德縣禾一本九穗青鄭齊趙州禾合穗及有一本  
三穗莢媚縣異畝同穎又禾登一百五十三穗五年冀  
州安武軍大名府威德軍禾合穗永寧軍禾二本隔五  
隴合穗平定軍禾異畝同穗汀州禾生三十六穗劍州  
禾一本八穗六年南劍州粟一本三十九穗瀛定懷汝



晉昌州平定永康軍禾合穗

明史太祖本紀吳元年夏四月應天府句容縣耆民施仁等獻瑞麥一莖二穗洪武三年五月鳳翔府寶雞縣進瑞麥一莖五穗者一本三穗者一本二穗者十有餘本五月庚辰朔太平府當塗縣民獻瑞麥一莖二穗者凡二本戊寅應天府上元縣鍾山鄉民進瑞麥一莖二穗者凡二本寧國府寧國縣進瑞麥一莖二穗者凡三本應天府句容縣獻瑞麥一莖二穗者凡五本

又洪武六年夏六月壬午盱眙縣民進瑞麥一莖二穗者凡十六本命薦之宗廟

又成祖本紀永樂十年七月己酉平陽縣獻嘉禾百六十四本四穗者一本三穗者數本

秀水縣志成化九年秋八月嘉禾生每莖離根二節節間傍生一莖秀二穗或三莖秀二穗或四莖五莖四五穗

寧晉縣志成化二十六年秋七月寧晉嘉禾七穗時禾

生一莖七穗者甚衆下王莊有二三四莖合為一穗者湧幢小品正德六年如臯縣嘉禾一本有至百莖者其一本二十莖者尤多

太和縣志正德十三年戊寅麥秀兩歧百餘莖秋穀之並穎者倍

同州志嘉靖元年白水產瑞禾一莖四五穗者五十餘本三穗者百餘本餘不勝紀

金華府志嘉靖三十九年蘭谿縣產瑞粟六穗者一本



鳳翔縣志萬厯四十年秋八月本縣興國里產嘉禾一莖四穗者數本一莖三穗者數十本一莖雙穗者數百本

國朝江南通志順治元年懷遠縣產瑞麥一莖雙穗甘肅通志順治二年廣武營等堡麥秀兩歧

江南通志順治十一年含山縣產嘉禾一莖五穗

山西通志順治十二年潞城嘉禾一莖三四穗或五六

穗

甘肅通志順治十八年成縣麥有一莖三穗及四五穗不等

雲南通志康熙元年寧州禾遍產雙穗

四川通志康熙八年茂州麥秀七歧

福建通志康熙九年晉江民獻兩穗麥

山西通志康熙十一年平順產嘉禾太平瑞穀一莖二穗

江南通志康熙二十年蒙城麥秀五歧並三歧者數十

本

雲南通志康熙四十三年曾栽產嘉禾一莖三穗至四  
五穗四十五年河西產嘉禾一莖三穗

四川通志康熙四十七年綿竹縣麥秀六歧或四五歧  
雲南通志康熙四十七年路南產嘉禾一莖三穗四穗  
江南通志康熙五十三年徐州麥秀雙歧有四五歧者  
自是連歲皆稔

湖廣通志康熙五十六年湖廣產嘉禾一莖數穗

內閣奉

上諭雍正四年八月順天府尹進呈耜田所產嘉禾自一莖雙穗三穗以至八穗九穗皆碩大堅好異於常穀

山西通志雍正四年太平嘉禾一莖十有三穗

雲南通志雍正四年建水耜田內產嘉禾一莖雙穗至三四穗

山西通志雍正五年洪洞清源瑞穀穗長尺餘者一莖八九穗



浙江通志雍正五年九月仁和錢塘農民獻水田稻米  
瑞穀一莖兩穗七年西安常山二縣旱田粟米嘉穀一  
本之中兩穗三穗四穗者遍於各鄉巡撫臣李衛奏進  
詔賜大學士九卿等觀看

欽定四庫全書

欽定四庫全書  
欽定四庫全書  
通考

嘉禾



上諭朕念切民依今歲令各省通行耕藉之禮為百姓祈  
求年穀幸邀

上天垂鑒雨暘時若中外遠近俱獲豐登且各處皆產嘉禾以昭瑞應而其尤為罕見者則京師耜田之穀自雙穗至於十三穗御苑之稻自雙穗至於四穗河南之穀則多至十有五穗山西之穀則長至一尺六七寸有餘又畿輔二十七州縣新開稻田共計四千餘頃約收禾稻二百餘萬石暢茂穎粟且有雙穗三穗之奇廷臣僉

云嘉禾為自昔所未有而水田為北地所創見屢詞陳請宣付史館朕惟古者圖畫豳風於殿壁所以誌重農務本之心今蒙

上天特賜嘉穀養育萬姓實堅實好確有明徵朕祇承之下感激歡慶著圖頒示各省督撫等朕非誇張以為祥瑞也朕以誠恪之心仰蒙

天鑒諸臣以敬謹之意感召

天和所願自茲以往觀覽此圖益加儆惕以修德為事神

之本以勤民為立政之基將見歲慶豐穰人歌樂利則  
斯圖之設未必無裨益云

湖廣通志雍正五年江華產嘉禾一莖數穗

甘肅通志雍正五年環縣獻雙歧瑞麥五莖蘭州藉田  
產瑞穀自三穗至六穗共十三莖武威藉田產瑞穀自  
三穗以至七穗共一百七莖

雍正五年十月十七日内閣奉

上諭今歲各省俱產嘉禾頃馬覲伯復奏稱鄂爾坤圖喇

地方皆產瑞麥有一莖至十五穗之多恭進前來廷臣見之皆以為極邊初墾之地有此上瑞尤為罕覲朕觀自古聖帝賢王皆專務實心實政不以祥瑞為尚朕深明此理擯斥虛文而今年各處所產之嘉穀朕之所以宣示中外者蓋因今歲為通行耜田典禮之初即獲感召

天和休嘉普慶如是以特為表著以明天人感應之理捷於影響庶期中外諸臣益加誠敬共相儆勉於將來

也從前屢頒諭旨甚明但恐嗣後地方有司未必人人  
深悉朕心競尚嘉禾之美名或借端粉飾致有隱匿旱  
潦之事而不上聞者亦未可定著將雍正五年以後  
各省田畝產有嘉禾之處俱停其進獻奏聞

御批諭旨雍正六年九月二十六日署理直隸總督臣何  
世璜協理直隸總督臣劉師恕奏通州呈送瑞禾數本  
其一莖者穗長一尺五六寸並雙穗三穗以及八九穗  
至十三四穗不等



瑞穀



上諭朕從來不言祥瑞是以從前降旨自雍正五年以後  
各省所產嘉禾俱停其進獻今據貴州巡撫張廣泗奏  
稱黔省各屬新闢苗疆今年風雨應時歲登大有所產  
稻穀粟米之屬自一莖兩穗至十五六穗不等稻穀每  
穗四五百粒至七百粒之多粟米每穗長至二尺有奇  
實從來所未見特將瑞穀呈覽並繪圖附進等語朕覽  
各種瑞穀碩大堅實迥異尋常不但目所未見實亦耳  
所未聞若但見圖畫而未見穀本則人且疑而不信矣

又據廣西巡撫金鉅招奏今年粵西通省豐收十分者十之九九分者十之一穀價每石自二錢以至三錢二三分乃粵西未有之事等語朕思古州等處苗蠻界在黔粵之間自古未通聲教其種類互相讐殺草菅人命又常越境擾害鄰近之居民劫奪往來之商客以致數省通衢行旅阻滯迂道然後得達而內地犯法之匪類又往往逃竄藏匿其中此實地方之患不得不為經理者又總督鄂爾泰籌畫周至調度有方巡撫張廣泗敬

謹奉行殫心奮力俾苗衆革面革心抒誠向化地方寧謐和氣致祥感名

天和黔粵二省歲登大稔而黔省硤瘠之區苗彞新闢之

天賜瑞穀顯示嘉徵仰見

天心以經理苗疆為是特昭瑞應以表封疆大臣之善績  
朕心實為慶幸若歸美於朕朕不居也著將張廣泗所  
進瑞穀圖交與武英殿繪畫刊刻頒賜各省督撫俾觀

覽之共知勉勵

御批諭旨雍正七年五月十八日雲貴廣西總督鄂爾泰  
奏報貴州貴陽等十七府州縣俱係十分收成蠶豆有  
粒大如栗者豌豆有粒大如榛者尤從來所未有

又雍正七年八月十八日雲貴廣西總督鄂爾泰奏報  
各屬晚稻嘉禾自二三穗以上無論高低原隰漢土苗  
疆通屬皆同現據呈驗者已不下萬枝而長大稻穗每  
穗計米竟至三百餘粒至小米穀穗長大自一尺三四

寸至一尺八九寸不等者亦不止萬枝並有一穗上又生九小穗一莖上竟有二十四穗者

又雍正七年九月十六日貴州巡撫臣張廣泗奏稻穀自一莖兩三穗起至十五六穗不等其粟米則穗長一尺四五寸至二尺不等更有稻穀一本三十穗者粟米一本四十八穗者甚至一穗之上復生為六歧九歧者敬貯萬八千穗繪具全圖委官領齎恭呈

御覽

又雍正七年九月十九日廣東總督臣郝玉麟署理廣東巡撫印務臣傅泰奏惠州府河源縣送到嘉禾四十八本內一莖二穗者一十四本一莖三穗者二十本一莖四穗者一十二本一莖五穗者二本

又雍正七年十一月初七日雲貴廣西總督鄂爾泰奏雲南等府州縣呈送瑞禾瑞穀自一莖十三穗至七八穗五六穗者一千餘棵貴州稻穀有一莖數穗及穀穗長至二尺自四百粒以至七百餘粒者小米有一莖二

十七穗者高粱稗子有一莖十五穗者普安州屬早稻刈獲之後稻根上復生長稻孫仍又吐花結實重有三分收成


又雍正九年九月二十六日巡察直隸等處農務臣舒喜奏永平府昌黎縣刈獲高粱得一莖四穗高粱四株五穗者二株六穗者二株

又雍正十年十一月初四日廣東巡撫臣楊永斌奏各屬送到瑞穀自一莖雙穗以至七穗一本自二穗以至



一百二十九穗自四五尺以及長至一丈一尺不等

四川通志雍正十年四川省城藉田並郫縣藉田內各  
產嘉禾或三歧三穗或兩歧兩穗



欽定授時通考卷十九

# 欽定四庫全書

子部

欽定授時通考卷

二十一  
二十二

詳校官中書臣寶汝翼

編修臣倉聖脈覆勘

總校官編修臣王燕緒

校對官編修臣邱庭澐

謄錄監生臣汪名達

繪圖監生臣徐溥

欽定四庫全書

欽定授時通考卷二十

穀種

稻一

御稻米

稻

御稻米



聖祖御製幾暇格物編豐澤園中有水田數道布玉田穀種歲至九月始刈獲登場一日循行阡陌時方六月下旬穀穗方穎忽見一科高出衆稻之上實已堅好因收藏其種待來年驗其成熟之早否明歲六月時此種果先熟從此生生不已歲取千百四十餘年以來內膳所進皆此米也其米色微紅而粒長氣香而味腴以其生自苑田故名御稻米一歲兩種亦能成兩熟口外種稻至白露以後數天不能成熟惟此種可以白露前收割

故山莊稻田所收每歲避暑用之尚有贏餘曾頒給其種與江浙督撫織造令民間種之聞兩省頗有此米惜未廣也南方氣暖其熟必早於北地當夏秋之交麥禾不接得此早稻利民非小若更一歲兩種則畝有倍石之收將來益藏漸可充實矣昔宋仁宗聞占城有早熟稻遣使由福建而往以珍物易其禾種給江淮兩浙即今南方所謂黑穀米也粒細而性硬又結實甚稀故種者絕少今御稻不待遠求生於禁苑與古之雀銜天雨

者無異朕每飯時嘗願與天下羣黎共此嘉穀也

稻





詩豳風十月穫稻

朱子曰稻南方所食稻米水生而色白者也

禮記曲禮稻曰嘉蔬

註蔬與疏同立苗疏則茂盛嘉美也

王制冬薦稻稻以鴈

大全稻為西方之穀則陰類也故配以鴈鴈陽物故也

月令季秋之月天子乃以犬嘗稻

註稻始熟也

周禮天官凡會膳食之宜牛宜稌

訂義稌稻也澤中所生與土畜相宜

地官稻人掌稼下地

易菑曰稻宜於荆揚厥土塗泥乃沮洳下溼之地此  
稻人所以掌稼下地

爾雅稌稻

註今沛國呼稌䟽別二名也案說文云沛國謂稻為

糯秔稻屬也字林云糯黏稻也稻稻不黏者本草以  
粳米稻米為兩物秔與粳古今字然秔糯甚相類黏  
不黏為異耳依說文秣稻即糯也江東呼糯乃亂切  
素問黃帝問曰為五穀湯液及醪醴奈何岐伯對曰必  
以稻米炊之稻薪稻米者完稻薪者堅帝曰何以然岐  
伯曰此得天地之和高下之宜故能至完伐取得時故  
能至堅也

春秋說題辭稻之為言藉也稻太陰精含水漸洳乃能

化也江旁多稻故其宜也

淮南子江水肥仁而宜稻

古今注稻之黏者為秣禾之黏者為黍

廣志有虎掌稻紫芒稻赤芒稻南方有蟬鳴稻有益下  
白稻

續博物志粳粟米五穀中最硬得漿水易化倉粳米炊  
作乾飯食之止痢

爾雅翼糯米粒如霜性尤宜水故五穀外別設稻人之



以二穀為稻若詩書之文自依所用而解之如論語食夫稻則稻是粳月令秫稻必齊則稻是糯周禮牛宜稌則稌是秔豐年多黍多稌為酒為醴則稌是糯又稻人之職掌稼下地至澤草所生則種之芒種是明稻有芒有不芒者今之粳則有芒至糯則無是通稱稌稻之明驗也又有一種曰秈比於粳小而尤不黏其種甚早今人號秈為早稻粳為晚稻又今江浙間有稻粒稍細耐水旱而成實早作飯差硬土人謂之占城稻云始自占

城國有此種昔真宗聞其耐旱遺以珍寶求其種始植於後苑後在處播之按國朝會典大中祥符五年遣使福建取占城禾分給江淮兩浙漕并出種法令擇民田之高者分給種之則在前矣

養生要集杭稻屬也稻亦杭之總名也道家方藥有用稻米杭米此則是兩物也稻米粒白如霜味苦主溫服之令人多瘦無肥膚杭米味甘主利臟長肌膚好顏色稻已割而復抽曰稻孫

理生玉鏡六旬稻一名拖犁歸粒小色白四月種六月熟又有八十日稻百日赤毘陵亦有六十日秔八十日秔百日秔之品百日赤百日秔俱白秔而無芒七八月熟其味白淡而紅甘

戒菴漫筆稻花白而瓣少者米賤多而色黃則貴俗云銀花賤金花貴也

湧幢小品暹羅國稻其粒盈寸

燕山叢錄房山縣有石窩稻色白味香美以為飯雖盛



暑經數旬不餽

明一統志雷陽界稻十一月下種揚雪耕耘次年四月  
熟與他地迥異稻花午開暮合開合皆於日中香甚有  
至七開七合者

農政全書黃省曾理生玉鏡曰稻之粒其白如霜其性  
如水說文謂之秣沛國謂之粳以黏者謂之糯亦謂之  
秣以不黏者謂之秣亦謂之粳故汜勝之云三月而種  
秣四月而種秣然皆謂之稻魯論之食夫稻粳也月令

之秣稻糯也糯無芒粳有芒粳之小者謂之秣秣之熟也早故曰早稻粳之熟也晚故曰晚稻京口大稻謂之粳小稻謂之秣其粒細長而白味甘而香九月而熟是謂稻之上品曰箭子其粒大而芒紅皮赤五月而種九月而熟謂之紅蓮其粒尖色紅而性硬四月而種七月而熟曰金城稻是惟高仰之所種松江謂之赤米乃穀之下品其粒長而色斑五月而種九月而熟松江謂之勝紅蓮性硬而皮莖俱白謂之穠種稻其粒大色白稈

輒而有芒謂之雪裏揀其粒白無芒而稈矮五月而種  
九月而熟謂之師姑杭湖州錄云言其無芒也四明謂  
之矮白其粒赤而稈芒白五月初而種八月而熟謂之  
早白稻松江謂之小白四明謂之細白九月而熟謂之  
晚白又謂蘆花白松江謂之大白其三月而種六月而  
熟謂之麥爭場其再蔣而晚熟者謂之烏口稻在松江  
色黑而能水與寒又謂之冷水結是謂稻之下品其粒  
白而大四月而種八月而熟謂之中秋稻在松江八月

望而熟者謂之早中秋又謂之間西風其粒白而穀紫  
五月而種九月而熟謂之紫芒稻其秀最易謂之下馬  
看又謂之三朝齊湖州錄云言其齊熟也其在松江粒  
小而性柔有紅芒白芒之等七月而熟曰香秈其粒小  
色斑以三五十粒入他米數升炊之芬芳香美者謂之  
香子又謂之香粳其粒長而釀酒倍多者謂之金釵糯  
其色白而性軟五月而種十月而熟曰羊脂糯其芒長  
而穀多白斑五月而種九月而熟謂之臘脂糯太平謂

之硃砂糯其白斑五月而種十月而熟謂之虎皮糯太平又云厚稃紅黑斑而芒其粒最長白稃而有芒四月而種七月而熟謂之趕陳糯太平謂之趕不著亦謂之私糯其粒大而色白四月而種九月而熟謂之矮糯其稃黃而米赤已熟而稃微青布宜良田四月而種九月而熟謂之青稃糯其粒大而色白芒長而熟最早其色易變而釀酒最佳謂之蘆黃糯湖州謂之泥裏變言其不待日之曬也其粒圓白而稃黃大暑可刈其色難變

不宜於釀酒謂之秋風糯可以代粳而輪租又謂之瞞  
官糯松江謂之冷粒糯其不耐風水四月而種八月而  
熟謂之小娘糯譬閨女然也其在湖州色烏而香者謂  
之烏香糯其稈挺不仆者謂之鐵梗糯芒如馬鬃而色  
赤者謂之赤馬鬃糯其粒小而色白四月而種六月而  
熟謂之六十日稻又遲者謂之八十日稻又遲者謂之  
百日赤而毘陵小稻之種亦有六十日粳八十日粳百  
日粳之品而皆自占城來實賴水旱而成實作飯則差

硬宋氏使占城珍寶易之以給於民者在太平六十日  
私謂之拖犁歸有赤紅私有百日私其白稈而無芒或  
七月或八月而熟其味白淡而紅甘在閩無芒而粒細  
有六十日可穫者有百日可穫者皆曰占城稻其已刈  
而根復發苗再實者謂之再熟稻亦謂之再撩其在湖  
州一穗而三百餘粒者謂之三穗子

農書治稻者蓄陂塘以潄之置隄閘以止之又作爲  
畦埂耕耙既熟放水勻停擲種於內候苗生五六寸拔

而秧之令江南皆有用此法苗高七八寸則耘之耘畢放水煖之欲秀復用水浸之苗既長茂復事薅拔以去稂莠農家收穫尤當及時江南上雨下水收稻必用喬杆筲架乃不遺失蓋刈早則米青而不堅刈晚則零落而損收又恐為風雨損壞此九月築場十月納稼工夫次第不可失也太抵稻穀之美種江淮以南直徹海外皆宜此稼今閩中有得占城種高仰處皆宜種之謂之早占其米粒大而且甘為早稻種甚佳北方水源頗少



陸地沾溼處宜種此稻 丘濬曰地土高下燥溼不同  
而同於生物生物之性雖同而所生之物有宜有不宜  
焉土性雖有宜不宜人力亦有至不至人力之至亦或  
可以回天況地乎宋太宗詔江南之民種諸穀江北之  
民種秔稻真宗取占城稻種散諸民間是亦大易裁成  
輔相以左右民之一事今世江南之民皆雜蒔諸穀江  
北民亦兼種秔稻昔之秔稻惟秋一收今又有旱禾焉  
二帝之功利及民遠矣後之有志於勤民者宜倣宋主

此意通行南北俾民無種諸穀有司考課書其勸相之數其地昔無而今有有成效者加以官賞

農政全書徐獻忠曰居山中往往旱荒乞得旱稻種往時宋真宗因雨浙旱荒命於福建取占城稻三萬斛散之仍以種法下轉運司示民即今之旱稻也初止散於兩浙今北方高仰處類有之者因時宋有江潮者建安人為汝州魯山令邑多苦旱乃從建安取旱稻種耐旱而繁實且可久蓄高原種之歲歲足食種法大率如種

麥治地畢豫浸一宿然後打潭下子用稻草灰和水澆之每鋤草一次澆糞水一次至於三即秀矣

本草綱目李時珍曰稻秔糯之通稱本草則專指糯為稻也稻從畝音函象人在田上治稻之義性黏軟故謂之糯汪穎曰糯米緩筋令人多睡其性糯也陶弘景曰道家方藥有糯米粳米俱用者此則兩物也糯米白如霜江東無此故通粳為稻耳不知色類復云何也蘓恭曰稻者穰穀之通名爾雅云稌稻也秔者不黏之稱一

曰秫汜勝之云三月種秔稻四月種秫稻即並稻也陶  
謂為二蓋不可解也馬志曰此糯米即糯米也其粒大  
小似秔米細糠白如雪今通呼秔糯二穀為稻所以惑  
之按李含光音義引字書解粳字云稻也秔字云稻屬  
也不黏粢字云稻餅也粢蓋糯也寇宗奭曰糯米今造  
酒糯稻也其惟溫故可為酒酒為陽故多熟西域天竺  
土得熟稻歲四熟亦可驗矣李時珍曰糯稻南方水田  
多種之其性粘可以釀酒可以為粢可以蒸糕可以熬

錫可以炒食其類亦多其穀穀有紅白二色或有毛或無毛其米亦有赤白二色赤者酒多糟少一種粒白如霜長三四分者齊民要術糯有九格雉木大黃馬首虎皮火色等名是矣古人釀酒多用秫故諸說論糯稻往往費辨也秫乃糯粟見本條

又稻米氣味苦溫無毒孫思邈曰味甘寇宗奭曰性溫蘓頌曰糯米性寒作酒則熱糟乃溫平亦如大豆與豉醬之性不同也孟詵曰涼發風動氣使人多睡不可多

食陳藏器曰久食令人身軟緩人筋也小貓犬食之亦  
脚屈不能行馬食之足重妊婦雜肉食之令子不利蕭  
炳曰擁諸經絡氣使四肢不收發風昏昏陳士良曰久  
食發心悸及癰疽瘡癰中痛合酒食之醉難醒李時珍  
曰糯性粘滯難化小兒病人最宜忌之

又李時珍曰粳乃穀稻之總名也有早中晚三收諸本  
草獨以晚稻為粳者非矣粳者硬也但入解熱藥以晚  
粳為良耳陶弘景曰粳米即今人常食之米但有白赤

小大異族四五種猶同一類也可以廩米孟詵曰淮泗之間最多襄洛土粳米亦堅實而香南方多收火稻最補益人諸處雖多粳米但充饑耳李時珍曰粳有水旱二稻南方土下塗泥多宜水稻北方地平惟澤土宜旱稻西南夷亦有燒山地為畚田種旱稻者謂之火米古者惟下種成畦故祭祀謂稻為嘉蔬今人皆拔秧栽插矣其種近百各各不同俱隨土地所宜也其穀之光芒長短大細百不同也其米之赤白紫烏堅鬆香否不同

也其性之溫涼寒熱亦因土產形色而異也真臘有水  
稻高丈許隨水而長南方有一歲再熟之稻蘇頌曰香  
粳長白如玉可充御貢皆粳之稍異者也

又粳米氣味甘苦平無毒孫思邈曰生者寒燔者熱李  
時珍曰北粳涼南粳溫赤粳熱白粳涼晚白更寒新粳  
熱陳粳涼凡人嗜生米久成米瘕治之以雞屎白汪頴  
曰新米乍食動風氣陳者下氣病人尤宜孟詵曰常食  
乾粳飯令人熱中唇口乾不可同馬肉食發痼疾不可



和蒼耳食令人卒心痛急燒倉米灰和蜜漿服之不爾  
即死

又李時珍曰私亦粳屬之先熟而鮮明者故謂之私種  
自占城國故謂之占俗作粘者非矣又曰私仙粳而粒  
小始自閩人得種於占城國其熟最早六七月可收品  
類亦多有赤白二色與粳大同小異甘溫無毒

閩書周禮揚州荊州其穀宜稻閩屬揚州當首稻矣左  
思三都賦國稅再熟之稻宋馬益詩雨熟潮田天下無

蓋美閩稻也說文為稻為粳粳稌屬也糯亦名秣字秣  
云糯稻黏而粳稻不黏今之食米皆粳稻釀酒則糯稻  
也閩中記云閩人以糯稻釀酒其餘蹂粉歲時以為糰  
粽粿糕之屬福州曰粳曰秣春種夏熟曰早稻秋種冬  
熟曰晚稻歲一熟者曰大冬山田冬種者曰早占霜降  
後熟者曰天降來曰薰提與早稻同熟者曰黃芒與晚  
稻同熟者曰占城曰秣又曰土秣歲再熟者曰金洲曰  
白香秣又曰糯與早稻同熟者曰早秣與晚稻同熟者

曰晚秣與大冬同熟者曰大冬秣湘山野錄云福建八  
郡皆有占城稻泉州曰早稻曰早仔曰師姑早曰晚稻  
曰大冬曰寄種曰青晚曰占城稻曰畚稻曰白香稻曰  
近山香曰降來曰大尖曰小尖曰中灌曰親畚曰河南  
早曰河南秋種曰白柳曰烏芒曰林鳳曰藿香曰一秋  
紅曰紅芒曰天上落曰八月白曰蘇州白曰烏稻曰金  
城早曰粟殼曰尤溪早曰早秣曰晚秣曰大冬秣曰赤  
芳秣曰牛頭秣曰好殼曰白秋秣曰白占秣曰花眉秣

曰虎皮秫曰近山香秫曰龍牙曰斑占建寧曰十日早  
曰大糯曰小糯曰龍鳳早曰半冬白曰師姑早曰九里  
香曰大早曰小早曰天降早曰爛泥早曰七娘禾曰小  
白禾曰大白禾曰小烏禾曰大烏禾曰野豬愁曰無芒  
禾曰真珠累曰麻子禾曰公婆禾曰銀珠秫曰早禾曰  
白禾子曰烏禾子曰厚芒禾曰下馬看曰白芒曰黃穀  
曰粳穀曰白私早曰烏龍牙曰紅糟秫曰鋪城錦曰溫  
州早曰吳家傳曰大師姑曰小師姑曰青絲禾曰荔枝

禾曰猴尾秣曰烏節秣曰重陽秣曰白芒秣曰烏牙秣  
延平曰秧歸曰早子曰金城早曰江西早曰天降曰赤  
芒曰白芒曰赤穀曰十溪曰廖元山曰早秣曰晚秣曰  
八月白曰長芒曰粟山中野人間種之汀州曰秣興化  
早早穀曰穠曰占穀曰粟曰青粱曰黃粱曰粱皆粟類  
漳州曰早秣曰晚秣曰大冬秣曰寄種曰占秣曰香秣  
曰白柳曰畚秣曰糯秣以上秣種不一又八郡方言不  
同有一種而異名者具依本志列之如石

天工開物五穀獨遺稻者以著書聖賢起自西北也今

天下育民人者稻居什七凡稻種最多不黏者禾曰秔

米曰粳黏者禾曰秣米曰糯

南方無黏黍酒皆糯米所為

質本粳而

晚收帶黏

俗名粳源光之類

不可為酒只可為粥者又一種性

也凡稻穀形有長芒短芒

江南名長芒者曰劉陽早短芒者曰吉安早

長粒

尖粒圓頂扁面不一其中米色有雪白牙黃大赤半紫

雜黑不一溼種之期早早者春分以前名為社種最遲

者後於清明凡播種先以稻麥菁包浸數日俟其生芽

撒於田中生出寸許其名曰秧秧生三十日即拔起分栽若田畝逢旱乾水溢不可插秧秧過期老而長節即栽於畝中生穀數粒結果而已凡秧田一畝所生秧供栽二十五畝凡秧既分栽後早者七十日即收穫梗有救公饑喉下急糯有金包銀之類方語百千不可殫述最遲者歷夏及冬二百日方

收穫其冬季播種仲夏即收者則廣南之稻地無霜故也凡稻旬日失水即愁旱乾夏種秋收之穀必山澗源水不絕之畝其穀種亦耐久其土脈亦寒不催苗也湖

濱之田待夏潦已過六月方栽者其秧立夏播種撒藏  
高畝之上以待時也南方平原田多一歲兩栽兩穫者  
其再栽秧俗名晚糯非粳類也六月刈初禾耕治老膏  
田插再生秧其秧清明時已偕早秧撒佈早秧一日無  
水即死此秧歷四五兩月任從烈日曝乾無憂此一異  
也凡再植稻遇秋多晴則汲灌與稻相終始農家勤苦  
為春酒之需也凡稻旬日失水則死期至幻出旱稻一  
種粳而不黏者即高山可插又一異也香稻一種取其



芳氣以供貴人收實甚少滋益全無不足尚也凡稻土

脈焦枯則穗實蕭索勤農糞田多方以助之人蓄穢遺

榨油楷餅

楷者以去膏而得名胡麻菜服子為上葵  
臺次之大眼桐又次之樟相棉花又次之

草

皮木葉以佐生機普天之所同也

南方磨菜豆粉者取  
漉漿灌田肥甚豆賤

之時撒黃豆於田一粒爛  
土方三寸得穀之息倍焉

土性帶冷漿者宜骨灰蘸秧

根

凡禽  
獸骨

石灰淹苗足向陽暖土不宜也土脈堅緊者宜

耕隴壘塊壓薪而燒之填墳鬆土不宜也凡早稻種秋

初收藏當午晒時烈日火氣在內入倉廩中關閉太急

則其穀黏帶暑氣

勤農之家  
偏受此患

明年田有糞肥土脉發燒

東南風助煖則盡發炎火大壞苗穗此一災也若種穀

晚涼入廩或冬至數九天收貯雪水冰水一甕

交春即  
不驗

清明溼種時每石以數碗激洒立解暑氣則任從東南

風暖則此苗清秀異常矣

農在種內  
反忌鬼神

凡稻撒種時或水

浮數寸其穀未即沉下驟發狂風堆積一隅此二災也

謹視風定而後撒則沉自成秧矣凡穀種生秧之後防

雀鳥聚食此三災也立標飄揚鷹鵠則雀可驅矣凡秧

沉脚未定陰雨連綿則損折過半此四灾也邈天晴霽  
三日則粒粒皆生矣凡苗既函之後畝土肥澤連發南  
風薰熱函内生蟲

形似  
蠶繭

此五灾也邈天遇西風雨一陣

則蟲化而穀生矣凡苗吐穡之後暮夜鬼火遊燒此六  
灾也此火乃朽木腹中放出凡木母火子子藏母腹母  
身未壞子性千秋不滅每逢多雨之年孤野墳墓多被  
狐狸穿塌其中棺木為水浸朽爛之極所謂母質壞也  
火子無附脫母飛揚然陰火不見陽光直待日沒黃昏

此火衝隙而出其力不能上騰飄遊不定數尺而止凡  
禾穡葉遇之立刻焦炎逐火之人見他處樹根放火以  
為鬼也奮挺擊之反有鬼變枯柴之說不知向來鬼火  
見燈光而化矣

凡火未經人間燈傳者  
總屬陰火故見燈即滅

凡苗自函活以

至穎粟早者食水三斗晚者食水五斗失水即枯

將刈之時

少水一升雖數雖存米粒  
縮小入甕白中亦多斷碎

此七穴也汲灌之智人巧已

無餘矣凡稻成熟之時遇狂風吹粒殞落或陰雨竟旬  
穀粒沾溼自爛此八穴也然風災不越三十里陰雨災

不越三百里偏方厄難亦不廣被風落不可為若貧困之家苦於無霽將溼穀升於鍋內燃薪其下炸去糠膜收炒糗以充饑亦補助造化之一端矣

田家五行雨水節燒乾鏟以糯稻爆之謂之享婁花占稻色自早禾至晚稻皆爆一握各以器列比並分數斷高下以畚白多為勝

欽定授時通考卷二十一

欽定四庫全書

欽定授時通考卷二十一

穀種

稻二

直省志書 宛平縣物產稻有糯粳二種 香河縣物  
產粳稻糯稻水稻旱稻 昌平州物產稻處處有之惟  
玉泉山枹榆泉更佳膳米於是需焉 房山縣土產稻  
紅白二種石窩稻色白粒大米粒美盛煮經三晝夜不

餉 遵化州物產稻有東方稻雙芒稻虎皮稻之類皆  
食米糯稻有旱糯白糯黃糯皆可釀酒種者粳稻九糯  
稻一旱田九水田一 滿城縣土產稻有黃鬚者有烏  
鬚者有秈稻有旱稻米微紅又有糯稻 涑水縣土產  
稻種於水田者惟石亭新莊村有之所出不多 邢臺  
縣物產稻有三種紅口芒稻糯稻 歷城縣方產稻秈  
糯也杭宜飯糯宜酒歷雖山城而城北一帶盡屬水田  
粳稻之美甲於山左 鄒平縣物產稻漯水之濱近始



播種 新城縣物產稻東方瀕湖產水稻間有之 泰  
安州物產稻紅白二種 萊蕪縣物產稻有粳糯二種  
萊蕪水田皆旱稻故米不佳 濱州物產稻沿河地可  
藝 滋陽縣物產稻有糯有粳 曹縣物產稻有數種  
水陸不同又粘者謂之糯米色黑宜釀 鉅野縣物產  
稻子黑白二色 沂州物產稻有糯有粳 青州府物  
產海上斥鹵原隰之地皆宜稻播種苗出耘過四五遍  
即坐而待穫但雨暘以時每畝可收五六石次四五石

秋收見戶春米買遷得高價可比魚鹽若江南水田雖純藝稻然功多作苦農夫經歲胼胝泥淖之中收入反薄畝多二三石次一二石不如此中海稻功半而利倍也安邱日照雖有旱稻而粗硬不佳益都種之不多穫二年後俱變為莠矣水中亦然日照縣物產有糯有硬照產皆在陸地稍旱則失收農家不敢多種萊陽縣物產稻種分水旱紅白早晚昌邑縣物產稻水旱二種永安稻佳文水縣物產稻軟硬二種臨汾縣

次定四事全書

欽定授時通考

粳黏者釀酒名糯產花園及大嶺川者佳酒河川次之  
韓城縣土產濞壩宜稻志以小江南稱之然貿之域  
外者無幾 西鄉縣土產稻類紅穀大小二種冷水穀  
百日穀麻黏穀銀珠穀香穀黃秧早金線早黃瓜早紅  
米早望水白安南黏青幹黏土黃黏鐵腳漢葉裏藏蓋  
早黃已上俱飯稻百莖稻黃穀糯柳條糯虎皮糯寸穀  
矮腳黃三百顆釣魚竿香兒糯麻穀糯已上俱酒稻

六合縣物產稻之屬粳穿珠稻紅蓮稻穀色青有紅粒

炊熟味甘香陸龜蒙詩近炊香稻識紅蓮六十日稻閃  
西風下馬看穗長救公饑輟稈青箭子稻了田青百日  
赤三朝齊靠籬望洗耙早五十日熟紫芒稻蟬鳴稻花  
裏黃鵠鵲秬觀音秬銀條秬落芒秬深水紅爪熟稻晚  
白稻早白稻香粳稻大粒長胖農人畏種之云種多則  
傷田間穀糯趕陳糯虎皮糯火珠糯輦稈糯燕口糯槐  
花糯白殼糯堆粒糯光頭糯矮脚糯金釵糯待西風烏  
絲糯豬鬃糯佛手糯鐵梗糯魚麟糯隨秬糯香糯繩兒

糯粒長不圓味最美 懷寧縣物產秈稻種遲早不一  
其名甚多田有宜早稻者秋前收仍種晚禾有宜遲稻  
七月登場者有八月九月登場者大約百日内熟糯稻  
有大糯有秈糯其名不一大糯較佳晚稻名晚白者佳  
赤與烏者次之 宿松縣物產稻有杭秈二種為早穀  
為龍鬚早為團白為小白為無名種為休寧矮為金包  
銀為賽子白為三度禾為鴨掌為拗馬為牽岡為水波  
為寒先皆秈屬為魚子為虎皮為蜜蜂為白秈皆秈屬

欽定四庫全書

私蓮子私竹了私毛黃私寒私鼠牙私金稈私鐵稈私  
冷水私金裏銀三尺黃瘦八尺雁脚紅金絲黃湖洲白  
生鬚黃老來白光頭黃烏間白穿珠白思憶稻矮赤稻  
捺霜晚霜下晚釣竿晚蘇州晚觀音晚隔山拖沿坵熟  
福建私三擔禾愛八擔紅粳稻其米黏者名糯稻有烏  
嘴糯抄秋糯早紅糯遲私糯白殼糯紅殼糯鳴脚糯烏  
節糯硃砂糯楊枝糯柳條糯楊花糯青稭糯柿紅糯麻  
子糯雪花糯魚子糯馬鬚糯望水白齊頭黃蓋下其見



缸消八斗糙 涇縣物產稻有早稻晚稻秈稻秣稻山

稻 南陵縣物產秈稻晚稻白芒稻黑稻糯稻 貴池

縣土宜杭其名有六十日白六十日紅八十日白掃箒

白百日黃六月烏江西早矮其早躋包早茄柯早下馬

早下馬看救公饑湖廣秈廣東秈白沙秈蝦鬚秈蓮子

秈竹子秈毛黃秈寒秈鼠牙秈金稈秈冷水秈金裹銀

三月黃雁脚紅捺霜晚霜下晚釣竿晚將軍晚蘇州晚

觀音晚糯其名有烏角糯抄秋糯早紅糯白殼糯紅殼

糯柳條糯楊花糯青稭糯隨秈糯柿紅糯麻子糯魚子  
糯雪花糯馬鬃糯望水白齊頭黃蓋下箕見紅消七斗  
糙青稭糯江西瀘溪有糯稱池州占蓋諸種之一也

太平府物產多秈稻多晚稻多糯稻有黑稻秈十三種  
秈占城稻有六十日稻俗稱拖犁歸有赤紅秈有百日  
秈黃秈稻細秈稻蘆梗秈麻秈稻大粒秈蝦鬚秈穿珠  
秈一名觀音白晚稻六種早晚稻一名望水白又名大  
子白晚稻白粳白芒白米雁來糧吊梗青一名寒青稻

\*

落芒秈早白稻早紅稻青柯糯虎皮糯鵲不知烏尖糯  
紅嘴糯白晚稻紅晚稻黑晚稻 巢縣土產紅稻有百  
日秈直頭秈麻菇秈竹牙秈四紅秈胡秈稻王瓜秈拖  
黎黃白稻有觀音秈銀條秈六十日秈青稭秈冷水秈  
大粒秈亂芒秈麻穀秈千家愛糯稻有羊鬚糯硃砂糯  
虎皮糯柳條糯齊秈糯牛筋糯青科糯紅芒糯馬鬃糯  
纍糯深水糯燕尾糯晚稻有黑晚稻紅晚稻 臨淮縣  
物產秈稻有麻子秈稻早先白稻黃瓜秈稻鵲鶉秈稻

烏山秈稻脹破穀稻矮白稻紅芒稻黑稻糯稻有羊鬚  
糯馬鬚糯虎皮糯烏鬚糯槐花糯瓣子糯大糯小糯六  
月黃糯 定遠縣物產麻子秈黃瓜秈烏山秈早先白  
鵲鶉秈脹破穀矮白稻紅芒稻黑稻女兒紅羊鬚糯馬  
鬚糯烏鬚糯大糯小糯瓣子糯虎皮糯槐花糯六月糯  
五河縣物產稻有秈稻芒稻香稻早白稻深水紅稻  
黃鶯公稻老來變稻下馬看稻黑糯臘脂糯馬鬚糯飛  
上倉糯 泗州物產香稻亦芒稻也類晚粳色微黃紅

稗白實 鹽城縣物產稻有粳糯二種有早晚二熟有  
紅黃紫赤黑斑青白數色 清河縣物產有稻曰杭曰  
糯曰秈秈之早熟者曰旱稻旱田種者曰小芒稻後  
種先熟者曰香稻味之芬芳者亦秈屬也治北七十里  
舊有香稻莊 揚州府物產有黃桂烏節大小香斑秈  
及小赤秈小白秈龍爪秈六月秈齊梅秈蘆稈秈葉裏  
秈麻觔秈大鶩秈白殼白芒早白晚白晚黃赤鬚黑支  
焦黃烏口大紅芒小紅芒下馬看六月白鷺鷥白了田



十日秈稻斑秈六月秈齊梅秈蘆稈秈龍爪秈鯽魚秈  
葉裏秈苞裏齊拖犁歸小赤秈小白秈麻觔秈大鷲秈  
大香秈小香秈白稻早白稻晚白軟頸頸白羊鬚白駝  
兒白青稽白青芒兒白頂霜白晚稻黃花稻小黃稻深  
水紅鶴脚烏下馬看弔殺雞母豬麟糯稻秋風糯麻觔  
糯烏絲糯趕上陳雀不覺半鬚糯 寶應縣土產白秈  
一水秈玉斑秈齊頭白六月白香稻紅秈早紅蓮觀音  
柳苗強水不易沒農多種之古上樓有芒宜水田五十



日七月上旬即熟視他種所穫較少蘆管私宜水田小  
黃稻宜旱田晚稻俗呼上白米是也刈穫最遲畏水不  
敢多種大晚稻紅米宜水田糯稻臘脂糯殼紅米白烏  
金糯米黑色虎皮糯殼色斑駁魚鱗糯拖犁歸七月熟  
趕上陳七月熟雀不知七月熟 泰州物產海陵紅俗  
名泰州紅馬尾赤鶴腳烏雀不知隨犁歸救公饑六十  
日白觀音私駝兒白小香早香黑早白早早私斑私焦  
芒青芒赤芒黃芒紫紅芒烏殼深水紅了田青下馬看

鯽魚、仙香、菜鱔、魚黃皆杭稻。趕陳糯、羊脂糯、燕口糯、羊鬚糯、虎皮糯、秋紅糯、紅糯皆秣稻。通州物產稻種甚多有早黃、晚黃、早白、晚白、早紅、晚青、青芒、白芒、青鬚、黑皮、黃桂、白殼、烏節、焦黃、鷺鷥、白串珠、白潮水、白深水、紅了青田、其粒長性硬曰紅白、秣曰稚子、斑早熟者曰救公、饑曰拖犁、歸茂密而庭碩者曰下馬、看見收曰糶六升曰籠、下歡曰薄、十分瘦長雪色曰箭子、稻中秋熟曰閃西風、初秋可蒔曰六十日不畏旱者曰撒殺、天和他

十一

米八月白牛尾白丈水紅老來紅五石稻救公饑包十  
石累泥烏土塘青天落黃糯之屬金釵糯閃西風羊脂  
糯青稈糯秋風糯趕陳糯矮糯鶯脂糯川梗糯虎皮糯  
羊鬚糯臘脂糯野人糯榧子糯恍雄雞烏鬚糯觀音糯  
梗舂糯佛手糯小娘糯蟹殼糯喜蛛糯鴨嘴糯香梗糯  
珠子糯 長洲縣物產六十日稻四月種六月熟米小  
色白遲至八九十日熟一名早紅蓮又名救公饑紫芒  
稻紫穀白粒金釵糯粒長鶯兒糯 崑山縣土產稻之

உயர்நீதிமன்றம்

紫殼白米雪裏揀稈軟有芒粒大色白師姑杭即矮稻  
無芒粒白救公饑六十日可望熟又名早紅蓮香子稻  
一名香稻色斑粒長以一勺入他米炊之飯皆香閃西  
風一名早中秋八月半熟麥爭場最早熟百日赤芒赤  
米白早熟占城稻即早稻金城稻粒尖性硬又名赤穀  
烏口稻皮芒黑秋初亦可種下馬看即江陰黃粳俗呼  
三朝齊枇杷紅皮薄色如枇杷時裏白早熟一名節澳  
稻烏兒稻芒黑米白即晚烏輦黃粳米白粒大性軟味

香美金釵糯粒長性軟棗子糯殼黑青稈糯皮黃粒白  
已熟而稈猶青羊鬚糯色白性軟趕陳糯米白熟早鶯  
脂糯川粳糯粒大無芒一名圓頭糯虎皮糯色斑晚熟  
臘脂糯殼紅粒白矮兒糯晚熟臘官糯即冷粒糯鐵梗  
糯稈勁無芒畏風易落細葉糯米白性軟 吳江縣物  
產白稻其粒大而圓味甘美他邑所無出震澤者尤佳  
其價高於常米十二三此則大江以南所絕無者 太  
倉州物產杭稻春分節後種大暑節後刈為早稻芒種

節後及夏至節種白露節後刈為中稻夏至節後十日種寒露節後刈為晚稻過夏至後十日不成種矣早曰早白早烏早紅蓮八月白晚曰晚白晚烏晚紅蓮有紅芒者曰嘉興黃綠芒者曰梗穀蠓基光頭者曰天落黃紅色而香者曰香黃蓮黃色者鴨嘴黃其蘆花白銀杏白木瀆香靠山青諸種名不一糯稻早曰趕陳糯蘆黃糯羊鬚糯晚曰靠山糯老來糯虎皮糯其紅芒者豬鬃糯無芒而光者曰觀音糯曰梗鮮糯不耐風雨者曰小



娘糯又香子稻粳糯二色粒小而長以少許入他米數升炊之極香美又有圓白而稈黃大暑可刈曰蘆花糯性耐旱多收又曰瞞官糯佃多喜種凡糯穀須曝日中色變有光名上變方適用曝不變俗呼痴糯更不如蘆花糯 上海縣物產稔稻宜水有香杭米粒小性柔類糯有紅白芒二種又有一種曰香子色斑粒更小以三五十粒入他米炊之芬香可愛謂之香糲七月熟早白稻皮白米赤一名小白五月種八月熟早中秋一名閃

西風八月熟中秋稻四月種八月熟晚白稻四月種八月熟箭子稻粒長而細色白味甘香稻中上品九月熟紅蓮稻皮白粒大五月種九月熟櫟極稻皮莖白米色斑粒長性硬或以為勝紅蓮五月種九月熟早烏稻皮赤米白五月種九月熟紫芒稻穀紫米白五月種九月熟深水紅六月種九月熟烏口稻色黑晚熟耐水與寒今呼冷水稻下品也白花珠性輒而香五月種九月熟私稻粒稍細耐水早有六十日稻米小色白一名帶犂

回三月種五月熟百日赤芒赤米白一名挈犂望三月種六月熟小舛一名早舛三月種七月熟大舛即晚舛四月種八月熟金城稻高田所種米紅而尖性硬今呼赤米穀之下品糯稻有秋風糯稈黃米白粒圓色最難變每歲代晚稻輸租故一名瞞糯又名冷粒糯不宜釀酒種宜良田大暑節刈金釵糯粒長最宜釀酒得汁倍多三月種七月熟趕陳糯米粒最長四月種七月熟小娘糯不耐風水故名四月種八月熟矮兒糯粒白而大

苗最短四月種九月熟蘆黃糯即晚糯粒大色白芒長  
熟最晚色易變釀酒最佳今名泥裏變羊鬚糯穀多芒  
長四月種九月熟羊脂糯色白性軟五月種十月熟鵝  
脂糯亦以色故名四月種九月熟虎皮糯色黃五月種  
十月熟 青浦縣土產六十日稻百日赤小秈大秈早  
白稻中秋稻晚白稻香秈早烏稻紅蓮稻紫芒稻深水  
紅金城稻秋風糯金釵糯趕陳糯矮兒糯蘆花糯羊鬚  
糯羊脂糯 無錫縣土產無錫米天下糯米本縣最美

本縣又唯南鄉揚名等處為道地色純曰以釀則酒多  
於他種 江陰縣物產黃梗稻無芒粒大性堅品最上  
紅蓮稻芒紅粒大米最佳白稻皮芒白米赤其稻有早  
白晚白早者六十一可熟烏鬚稻熟最早性柔稈弱紫  
芒稻紫殼白米香子稻米色斑粒小而長入他米炊之  
則飯皆芬芳今人謂之香珠金城稻四月種七月熟米  
紅而尖性硬穀之下品辦糧稻綴粒甚密顆稍圓細靠  
塘青稻米多稈長畝可三石瓜熟稻極早而粒長又曰

六十日救公饑鐵梗糯稻梗硬色黑水晶糯稻粒瑩白  
如水晶虎皮糯稻五月種十月熟色斑斑然趕陳糯稻  
四月種七月熟米粒最長短其糯稻稻短九月熟極旱  
不損又一種名長水紅粒最長積三粒可盈寸極澇不  
傷靖江縣食貨稻之屬有糯先熟易落曰早白糯皮  
薄易釀曰晚白糯芒赤米白曰虎皮糯晚熟性軟色芳  
曰羊脂糯稈硬曰鐵梗糯皮厚曰薑黃糯早種宜釀曰  
趕陳糯雖熟不枯曰青枝糯稈柔可為索曰麻筋糯香

勝於香秈曰香糯旱種曰撒穀天又有秋分糯勻暖糯  
焦子糯野雞糯等名有粳米白早熟曰早黃川即早白  
稻粒大性軟曰晚黃川又有曰晚青米長性硬曰紅白  
秈粒大而佳曰早紅蓮早熟曰救公饑亦曰金升稻曰  
拖犁歸圓碩見收曰秈六升瘦長雪白曰箭子稻中秋  
熟曰閃西風初秋可蒔曰六十日曰烏口稻皮芒稍黑  
和他米炊之甚香曰香滋米又有觀音秈茨姑秈深水  
紅蠶子白三穗千下馬羨烏芒香珠等名皆九十月穫

丹徒縣物產杭有杭有糯杭之屬又有大小土人謂  
大稻杭小稻秈大稻之種十六曰香子曰鯽魚曰灰鶴  
曰時裏曰八月白曰蘆花白曰浪裏白曰白蓮子曰紅  
蓮子曰早紅芒曰晚紅芒曰青川黃曰稗川黃曰馬尾  
烏曰老了烏曰下馬看今又有塊紅芒靠山黃白芒紅  
芒撒殺天數種小稻之種有六曰白尖曰紅尖曰晚秈  
曰六十日曰八十日曰一百日百日種自占城來今又  
有觀音秈銀條秈二種糯之種亦有九曰芒曰香曰晚



曰抄社曰羊脂曰牛蝨曰虎斑曰柏枝曰長稈今又有  
黃皮矮箕早白中廣馬鬃雀嘴稱鉤紅芒麻筋早秋風  
堆子紅殼鼈六升十二種 丹陽縣物產稻出西鄉者  
佳而東南鄉近古荆城地數十里多種糯則地土所宜  
有不同也 仁和縣物產杭有黃稈秈七月熟交白稻  
逢白露則熟早遲芒晚遲芒金裏銀紅蓮子木樨黃雁  
來青種最遲泰州紅初稈黃黑鬚大黃稻小黃稻晚稻  
種類不一鷺爪黃赤芒兒赤稻紅稈烏早遲芒花蓮子

銀杏白糯有早糯羊鬚鐵梗光頭臘脂烏鬚馬鬃金釵  
蘆花 嘉興縣物產杭有香杭早花中秋晚花黃秈白  
芒黃芒赤芒香稻烏稻八月白鐵稈青蘆花白秫有白  
殼烏蓑雞脚蝦鬚蟹爪香糯趕陳糯蘆花糯羊脂糯蒲  
子糯 秀水縣物產杭有箭子稻香杭稻大秈小秈早  
白稻晚白稻赤芒白芒早稻烏稻大烏芒小烏芒烏鬚  
烏兔灰稻大黃稻小黃稻青頭光青芒稻馬鬃烏鵝脚  
黃靠山青麻子烏赤秈晚陳小白稻雪裏揀了田青雀

不知紅桂黃粳舂閃西風百日赤三朝齊八月白中秋  
稻六十日稻再熟稻靠籬望救公饑凡四十種糯有金  
釵糯珠子糯硃砂糯臘脂糯佛手糯竈王糯西洋糯麻  
筋糯羊脂糯烏鬚糯芝麻糯榧子糯趕陳糯羊鬚糯鐵  
梗糯閃西風香糯晚糯凡十八種 嘉善縣物產香秔  
烏稻香稻早白稻早中秋黃芒野稻黃舂黃粳中秋稻  
六月紅銀杏白箭子稻鐵稈青靠塘青晚白稻山白稻  
周家稻雀勿知趕陳糯小娘糯矮兒糯羊鬚糯羊脂糯

蒲子糯觀音糯榧子糯茄子糯蟹爪糯蘆花糯菊花糯  
石門縣物產早稻廣稻晚稻黃稻早稻將軍稻秋分  
稻三穗千烏龍稻香粳稻雞骨黃木樨黃蠶磨子綿環  
稻早糯早糯中秋糯豬血糯晚秋糯矮脚糯香粳糯鴨  
嘴糯羊鬚糯泥裏變 平湖縣物產杭之品香粳稻又  
名紅蓮稻紫芒稻紫殼白粒雪裏揀色白粒大桿輦而  
有芒蘆花白即晚白稻早白稻揀選稻鵲不知秋初早  
熟糯之品金釵糯粒長鵝脂糯一名羊脂糯虎皮糯色

斑十月熟馬鬃糯榧子糯白殼糯西洋糯竈王糯羊鬚  
糯蘆花糯 歸安縣土產早赤芒雁來烏薄殼稻觀音  
稻大葉黃穰秬稻金城稻鵝腳黃金裏銀黃赤稻赤稻  
八月白早黃稻晚黃熟三穗干野雞斑山白稻冷水紅  
香杭稻以上俱杭稻烏香糯硃砂糯馬鬃糯豬血糯羊  
鬚糯黃皮糯矮兒糯鐵稈糯趕陳糯光頭糯以上俱糯  
稻 長興縣物產杭之屬十二黃私白粳赤杭烏稻烏  
鬚稻宜興白觀音稻七月白宜州白三朝齊黃粳私鵝

脚黃糯之屬七羊鬚糯烏香糯珠子糯趕陳糯白糯盈塘青矮脚糯 孝豐縣土產稻有黃秈稻百日稻落馬秈觀音秈紅黃秈趕陳秈光頭秈鐵梗糯羊鬚糯烏香糯泥裏變糯硃砂糯 山陰縣物產早稻六月早熟紫口甲嘴微紫粒細朝穰俗謂之老了烏麤稈細稈細珠早白黏晚白黏料水白歲遇甚潦輒能長出水上烏銜來實類餘杭白而色稍青鵝脚黃穗低而葉仰健脚青熟時莖挺而色猶青早黃黏餘杭白粒圓而白俗傳種

自餘杭來故名稚蒙粒麤而黏最短以上俱杭類雪裏  
青江西稻矮宜興榧糯青稈糯水鮮糯八月早熟羊鬚  
糯臘脂糯紅糯其芒赤其實較他種稍重矮方巾早熟  
而殼薄黃穀糯早熟以上俱林類餘姚縣物產杭早  
熟者曰早白早紅晚紅泰州紅野紅細稈紅上虞白黃  
巖稻晚熟者曰早白黏晚白黏黃黏縮頸白羅村白湖  
州白九里香光頭九里香八月白晚青糯曰趕陳糯早  
黃糯水仙糯矮黃糯光頭糯旱田糯天落糯珠子糯金

裏銀泥裏變畔社早珠 臨海縣物產稻夏熟者名早

禾冬熟者名晚禾早禾早者一名六十日一名隨犁歸

一名梅裏白次早者一名白婢暴一名赤婢暴又有白

散一名八月白白粳遲青縮頭紅馬嘴紅旱稜宜高田

倒水賴宜低田晚禾有早糯晚糯矮糯冷水糯烏節糯

白糯黃皮糯臘脂 天台縣物產秈稻粳紅稻糯稻晚

稻拖犁歸淮白矮白落馬相諸暨早毛白皆秈稻淮紅

長稈紅硬殼紅早紅細紅皆粳類白糯紅糯黃皮糯烏



節糯麻糯荔枝糯烏鹽糯毛糯野豬粳皆糯類 仙居

縣物產稻六十日黃巖早藍溪曰縮頭紅金裏銀溫州  
青霜下晚黃扁糯冷水清長稈紅早糯晚糯香糯 寧

海縣物產稻早紅晚紅早水紅縮頭紅縮頸早老辣赤

馬郎遲洛陽青湖廣白沙鮮白金裏銀櫻珠糯黃扁糯

黃巖糯諸種 湯溪縣物產早白禾早赤禾晚白禾晚

赤禾金裏銀白芒兒 西安縣物產稻粳有白禾紅禾

龍泉禾江西早六十日禾俱六月熟金裏銀太平早七

八月熟晚稻十月收以上諸稻浙西俱謂之尖米本色  
僅有此種無所謂團米者糯有白殼糯紅殼糯重陽殼  
湖州糯處州糯麻子糯草鞋糯臘脂糯鐵漿糯白芒糯  
烏嘴糯俱同晚稻十月收又有晚禾神仙稻旱地可種  
又有二種曰安南早曰浦稜最耐旱 龍游縣物產白  
禾六十日禾龍泉禾紅禾江山早太平早金裏銀白殼  
糯紅殼糯鐵漿糯白芒糯草鞋糯臘脂糯烏嘴糯晚禾  
神仙稻 永嘉縣地產稻有地暴金成百箭白散早糯

八月白龍秈香晚占城磊黃晚糯隔江牽 瑞安縣物

產白散多芒色白小暑即熟地暴有紅白二色粒尖細  
七月收水稜一曰小青粒純赤占城最耐旱有紅白二  
色磊晚無芒百箭芒勁寄種輒稈白西芒白龍秈粒大  
白米輒稈色白粒大味甘八月穫穫後其根復萌無異  
初稻謂之早稻十月刈紅羅帳穎赤色金裏銀穀赤米  
白早糯一曰大糯七月穫晚糯粒大而堅十月穫其名  
不一有黃糯白糯烏糯矮糯青糯初冬穫金水糯即水

糯宜山田種之 樂清縣物產稻地暴有紅有白白散

紅芒占城早糯晚糯矮糯黃糯臘脂糯 平物縣物產

稻有梅裏白地暴占城早赤白西龍私野豬哽紅芒磊

睨輦稈黃芒太倉矮早早糯烏飢糯黃糯晚糯渠糯冷

水糯矮回水稜 松陽縣物產香稻白稻龍泉稻晚稻

占城稻早稻師姑稻冷凌稻早糯晚糯望秋糯烏嘴糯

淮南糯 龍泉縣物產稻有占城赤早早湖金華地暴

鷓鴣斑海棠碧巖中師姑白鬚糯烏鬚糯師姑糯社交

糯青粳馱子黃匾子赤芒白芒龍鳳竹香赤谷小子黃  
糟糯下馬看椒子糯青粳糯荔枝糯赤鬚糯 宣平縣  
土產蘭溪白金裏銀六十日黃蔡家私青田晚師姑晚  
雉雞糯雪稻下馬漢早糯九月糯晚糯烏節糯

欽定授時通考卷二十一